

**D**iß Bier ist sonderlich nützlich vnd gut zu den gebresten der Brust / macht eine helle stimme / vnd nützet für den husten / Das man die groben materien außwerffen kan / den Alzren vnd die ein schweren Adem haben / ist sonderlich gut / zu der schweren Franckheit wil mans auch für nützlich achten.

### Von Hirschzungen Bier.

**D**it diesem Kraute / wird ein gut Bier zugerichtet vnd gewürzet / das gut ist / für die Melancholicos vñ die Miltzsuchtigē / ist auch nützlich zu der Quartan vnd dem vierregigen feber.

### Ochsenzungen Bier.

**O**chsenzungen Bier / wird also bereitet / Nim Ochsenzungen wurzel / sauber sie rein / vnd thu sie in ein gut Bier / biß es ihre Krafft an sich nimbt / Wirstu dieses Biers gebrauchen / so treibt es alle böse feuchtigkeit / durch den Darm aus / macht ein gut Hirn / vnd ob einer schon gar zum thore wer worden / so mag ihm dennoch hiemit gewiß geholffen werden / Also kan man auch von Ochsenzungen Wein reden / der dieselbe Krafft hat.

### Von Rosmarien Bier.

**D**ie Rosmarien Kraut / richtet man ein Edel Bier zu / Das die andern alle / an farbe / geschmack vñ Krafft vbertrifft /